

摘藻堂四庫全書薈要

史部

欽定四庫全書薈要

史部

硃批諭旨卷一下

詳校官編修臣繆晉

欽定四庫全書薈要卷七千八百七十

史部

硃批諭旨卷一下

硃批范時繹奏摺

雍正七年二月初二日署理江南江西總督印務
尚書臣范時繹謹

奏恭請

皇上聖安

朕躬甚安月之十五日謁



陵禮畢旋京一路平安如意沿途見雨雪霑足土膏滋潤
閭閻氣象似覺改觀朕深為慰幸特諭汝知

同日又

奏為荷蒙

恩賜微臣感激恭謝

天恩事雍正七年正月初三日臣標把總賈捧

上賜御書福字一幅如意一枝荷包一對貂皮四十張

湯羊一隻克食一匣又

內製平安丸一千個到臣臣隨郊迓至署恭設香案望

闕叩頭謝

恩祇受臣於跪奉之下荷茲

寵錫頂戴難勝更蒙

此丸奇效而藥味和平服之有益無損雖不中病亦無

賞給平安丸方功用神效益知

妨也但亦不可浪費醫局所製恐不敷汝等所請也

皇上聖德好生痼瘼萬姓於

宵旰殷勤籌畫教養之餘尤復

留心普濟選製丸方

聖慈周徧無微不至誠天地父母之心也臣謹隨時散

給務期廣布

皇仁所有微臣奉到

御賜感激下忱合謹繕摺恭謝

天恩謹

奏

汝所進土儀逐年加增殊屬非理向後當從節減不過藉以達君臣之情斯可耳朕富有四海豈待汝等督撫

進獻需用耶當仰體朕心免招物議

同日又

奏為據實陳明仰祈

睿鑒事竊臣於正月二十八日接准河臣齊蘇勒揭稱

身抱沉疴不能勉強支持一面飛咨署江蘇撫臣

尹繼善星夜來工接印署理並可辦理巡撫事務

等因臣查署撫臣尹繼善前經奉有仍辦河務

諭旨今若准咨自必前往但查蘇淮相距數百里若兩

處事務往返移就勢難免於濡滯臣思河務地方均關係要所有兩難兼顧之處仰維我

皇上聖明照鑒無不洞悉情形知人善任今署撫臣尹繼善倘得邀

恩俾令專任撫臣事務實於地方倍獲裨益臣緣地方起見謹據愚昧之識具摺奏

聞伏候

皇上睿鑒施行謹

奏

河務較之撫務孰輕孰重似此器量識見何以克稱國家大臣所謂大臣者以國家事為己任緩急先後當通盤籌計區區但以關涉責任中事為事他如河運要務皆泛然膜外視之是誠何心哉可謂淺狹之極所事早已有益矣

謹

奏為密陳江南地方大概情形仰祈

睿鑒事查江南自前任巡撫湯斌以後繼之者如宋

犖之輩率皆尸位素餐其初猶受湯斌之餘蔭

一二十年後則漸已廢弛加以吳存禮貪婪無

厭惟利是圖何天培安享厚福一事不理地方

遂致大壞而張楷陳時夏莅任未久才不足以

整頓因而日趨於下如各項錢糧則通省新舊

欠數將及千萬嘉定等邑雖經分縣每處尚有

數十萬兩其中舊欠不但難於催追且動輒罷

市閘堂州縣官多有不敢開徵者錢糧如此難徵而督撫大吏不聞有清釐調劑之方反將通省火耗不論往日多寡畫定加一盡行提解充公各屬豈肯墊賠司費只得額外再添將至加一五六七八不等獨崇明一邑向係加二以外民不為苦今有司焉肯減去分毫而下江各府科則本重正賦尚且艱難豈能當此多耗乎此特錢糧之一端耳若其通省吏治則大僚各行

其意見下情隔絕而不通凡地方一切公務悉
委之於州縣其費之從何出處事之能否不悞
漠然無關巧者朘民膏以償拙者那庫帑以應
功過不分勸懲無術所以人心渙散同城文武
惟有各圖保全祿位苟且目前絕無一同心協
力商及公事者情形如此地方安得而不壞哉
又况武官之驕兵丁之橫尤為特甚如松江各
標一人名掛營伍舉族錢糧可以不完本無產

業者色攬親族挾官抗比州縣無從催徵兵之
父兄子弟遇有司經過儼然高坐絕不為禮衙
役不知而呵斥之則挺身遮道大呼嫚罵傷及
父母有司覲面隱忍使百姓見而效尤自然貌
視官長文員有事欲訴其上司則一班武官頭
目蔽護把持縱有清正廉潔之總督提督所言
無由而入以故無惡不作有司莫敢過問至今
督撫提鎮皆實不知緣張雲翼實始作俑積漸

而使然耳總之數年以來如蠲減浮糧賑濟荒
歉興復水利築建海塘以及種種

特恩

皇上之加厚於江南者至優且渥而事多奉行不善
以致民情不知感戴反有怨咨且人情澆薄好
造謠言性本輕浮喜於議論見諸大吏之無所
短長竟以為不足責備而皆有歸怨於

上之意此臣心之所以實有不忍而情之所以實有

難安者也緣臣受

恩深重因見緊要地方實有此等情形何敢瞻顧是以冒昧直陳不避愚戇之咎伏惟

聖慈鑒宥暫

賜留中再為採訪陸續施行為此謹

奏

被人如此論奏爾等身膺督撫之任者能不愧乎於心忍乎將此摺亦與陳時夏看朕惟自愧乏識人之明而

已復有何詞以謝江南億兆耶宜將此摺錄存案頭時
加披玩以自警惕

雍正七年二月十七日署理江南江西總督印務

尚書臣范時繹謹

奏為欽奉

聖訓微臣感激愧懼敬陳愚悃仰祈

恩鑒事雍正六年十二月十一日臣標賚摺把總捧到

硃批奏摺並蒙

聖恩諭示叅奏一摺臣於跪讀

訓旨之下泣汗交流心膽俱碎悚惶感切無地自容除

謹遵

旨齎交原任撫臣陳時夏接着外伏唯臣祖父世受

國恩臣又蒙

皇上逾格委用寄以地方重任乃不能倡率僚屬因循
廢弛不知整頓致見聞之人指陳入告臣等身任
督撫貽誤若此溺職之咎實屬萬死難寬但查江

省地方幅幘廣遠兵民衆多如屬員之劣蹟兵民之習氣不敢云竟無其事第一縣偶有一案未可謂閭省皆然一兵偶有一事難概謂通營皆爾今乃為之約畧其事鋪張其詞欲托利弊之公言以市轉移之私譽且稱民心不知感戴皆歸怨於

皇上等語以冀上動

聖聽仰維

聖明在上其人入奏之意與江省地方之情形悉不能

逃

皇上天鑒今茲一言入告實屬江南萬姓攸關臣是以不敢不攄陳於

聖主之前也竊思江省吏治闒茸皆臣等罪愆之多而江省實在情形尚未至如斯之甚唯恨臣庸愚昏贖受

皇上任用教導之

恩於地方吏治民情不能倡率整理種種貽悞罪不容

誅臣即改悔之情殷何能贖從前之積咎伏乞

皇上立賜嚴治臣罪以儆昏庸庶臣戴罪之日皆沐

恩之日矣所有微臣感激愧懼愚昧下悃合謹繕摺恭

謝

天恩謹

奏

朕已件件代汝等料理矣此奏何為今姑以緝盜一事而論省城內於十日之間大盜行劫數處而竟若罔聞

清夜自問於心安乎幸兩江地近朕之精神猶能照應
設天下吏治皆如兩江悉待朕一一料理頒諭而後施
行則朕實不能具此伎倆也汝不但為國便為爾家計
亦當奮勉爾范家只剩汝一人寧不為汝祖宗顏面惜
耶若仍不知痛自刻責砥礪朕亦無奈汝何矣

同日又

奏為奏

聞歲修徒陽河道重運經臨無悞仰祈

睿鑒事臣謹查京口運河乃蘇杭八府州漕艘經由要道自丹徒縣江口起至丹陽縣三板橋一帶河身歲有淤淺每年必需撈浚於雍正三年間欽奉

上諭案內業經

題明議令建閘挑濬續以胡璉冒帑誤工

題叅另行修估上年十一月內據鎮江道王之琦詳

估到臣緣臣曾經親身審視備悉此河接近江口

水之深淺唯視江潮之來去又兼岸高土鬆隨潮

沙墊縱加開濬仍需歲修是以臣不敢因循前議
業經備陳情形請停動帑大修唯應照行歲修之
法及時撈浚立見深通漕運即可無阻臣等會疏
具

題在案隨經臣飛飭測量撈浚去後業據該道縣等
具報僉於十二月十九二十等日開工撈淺一時
並作出入糧艘通行無阻現在仍復隨時量浚等
情又據臣標差委催漕守備次第報稱自正月十

二日起業經催過浙江江南二省各幫糧船共二千五十三隻平穩渡江訖各等情所有徒陽運河現在歲修撈淺重運經臨無悞緣由合謹繕摺奏

聞謹

奏

欣悅覽之此一事爾所料理甚是所以

上天即賜成全也未有實竭忠誠奉公辦事而不邀神明加護之理但試觀之

雍正七年四月初四日署理江南江西總督印務

尚書臣范時繹謹

奏為欣聞

諭旨微臣感激恭謝

天恩事雍正七年三月初四日臣標把總齋回臣請

安奏摺跪奉

硃批仰見我

皇上民胞物與之懷時厘

宸衷斯省耕省斂之

仁頻煩

睿慮唯臣以

山陵舊守侍從依依聞

天顏之有喜瞻仰彌殷識

帝澤之無邊歡欣倍切今

聖體安和如意畿東一帶雨雪霑足閭閻氣象改觀是

皆我

皇上聖德大化之彌綸敬

天勤民之感召

臣遙瞻

北闕實慶

洪庥曷勝忭舞欣幸之至又臣於三月十七日復奉到
皇上硃批原摺荷蒙

訓誨指示嚴明以江寧省城十日間連有盜竊又奉
恩旨着臣明白回奏除遵

旨將各案是盜是竊另行據實具

奏外伏念

臣

以謏劣之材身荷

朝廷重任蒙

皇上錫以天地父母之恩

諭以國法身家之重憐

臣

祖父

澤及子孫

臣

捧讀至此不禁涕汗交流自恨自責草木

愚情感刻倍至何敢仍前踈懈自蹈罪愆唯有一

刻不忘

恩訓痛自刻責努力奮勉以期上報

天恩於萬一所有奉到

訓諭感激下忱合謹繕摺恭謝

天恩謹

奏

安民之道惟在察吏懲姦二事而已若盜賊不靖地方何以能安所當日夜思維籌畫者古人云思之思之思鬼神通之心誠求之雖不中不遠矣諸凡若不探本尋源預期消患於未萌不過隨事依文按律以圖塞責斷不

能令匪類斂跡也。假若藉口地方衝繁人烟湊集盜風熾盛在所不免。竟恬然不以為耻。則天下事皆當聽其自然。亦無可辦理之事矣。封疆勝任之謂何。斯民父母之謂何。勉之勉之。

雍正七年四月十四日署理江南江西總督印務

尚書

臣范時繹謹

奏為陳明贏餘銀兩仰體

皇仁奏

聞請

旨事竊照揚屬等處水利

皇上指示興修甫聞

恩命之日所在商民靡不歡欣踴躍樂事趨公經臣會
同河撫諸臣勘估據情上

聞復酌定委員派工擬將淮揚道白鍾山郎中程夢瑛
監督其事又原修蘇松水利効力人員並河臣咨
送河員臣復添委就近州縣及佐貳雜職等員分

任其事題請

俞允遵行在案今臣於在工之日接見効力人員看其景狀似屬拮据蓋緣伊等多係寒素微員身在工所不無僕從盤費恭逢我

皇上仁恩周至體恤臣工凡今大小官員無不酌給養廉臣仰體

皇上獎廉恤下之

天心所有實在情形何敢默不奏

聞臣查得揚屬商人願捐銀兩從前交貯司庫原係照用部砵彈收今給發工料乃係照依市平約畧估計動用銀二十七萬兩有奇內可得平餘銀八千餘兩合謹據實陳明可否於此項平餘銀兩邀蒙聖恩俯念在工之程夢瑛等二十三員酌照承辦之繁簡別以差等如程夢瑛係通工巡行稽察之員事務頗繁酌給養廉銀四百兩其餘二十二員均屬事務稍簡各酌給養廉銀二百兩以上計需銀四

千八百兩仍有餘存銀三千餘兩足備將來造冊
奏銷之費似屬公私兩濟臣緣錢糧關係重大可
否出自

聖恩謹奏請

皇上睿鑒恭候

甚是應給與者照所請行

諭旨施行再查郎中程夢瑛自派交揚屬水利以來老

成勤慎不辭勞瘁所辦工程悉有條理核算錢糧
更為明晰似此才具諳練將來用之河工洵有裨

益臣緣人才為任事之本不敢掩其所長合併據
實

奏明謹

奏

程夢瑛籍隸江南似不適用於本省據汝所見應用於
何處河工有益明白奏聞

雍正七年四月三十日署理江南江西總督印務

尚書臣范時繹謹

奏為奏

聞辦送米石抵閩日期仰祈

睿鑒事前臣遵奉

諭旨江南辦送運閩截漕米五萬石已委營將協同閩

員均為四起於正月二十二日起次第開行茲據

前差營將覆稱運閩米石陸續於三月初十日止

四運俱已到閩交兌訖臣謹奏

欣悅覽之據高其倬亦奏聞矣聞又查得今歲江省麥田雨水調勻悉皆長發茂盛將

次刈獲民慶豐收更喜四月內連得大雨秧苗滋
長米價平減即鄰省有來糴販者而本地米價總
無增長近據臨淮縣報稱團山地方係鳳陽衛屯
地見有生出蝗蝻數處現在撲打等情臣隨星委
幹員飭令督同地方官多僱民夫上緊撲滅不致
生翹蔓延所有該地方捕蝗情形不敢隱匿合謹
附摺奏

聞謹

奏

蝗蝻務令撲滅無遺前諭甚明萬不可怠忽盡力為之
近日如何光景再奏以聞待全消後朕懷方釋也

雍正七年六月十七日署理江南江西總督印務

尚書

臣范時繹謹

奏為奏報江省麥熟分數仰祈

睿鑒事竊照今歲江省雨水調勻二麥豐收臣謹查得

上下兩江及江西省麥收分數據報自六七分以

及八九十分不等現在米糧價值其賤者皆減至
六錢二三分即貴者亦不過九錢有零民食豐盈
歡歌大有合謹據實奏

聞謹

奏

覽奏麥熟朕懷深慰益加誠敬以待秋成毋稍肆志

同日又

奏為欽奉

訓旨荷蒙

恩賜微臣感激恭謝

天恩事竊臣標賚摺把總賚回

硃批諭旨並奉到

恩賜內製香定一匣窰器一匣臣隨恭設香案望

闕叩頭謝

恩祇受訖伏念臣庸材劣質受

皇上格外

隆恩訓誡頻加

寵頒疊至欽承之下感奮交集報稱未由緣臣世受

國恩非起家寒素者比又身在東南出產方物之地

仰體

聖心不敢多事購求

進獻祇於令節敬以食用等物報地方之生息備

聖主賞賚之常用亦微臣依慕之切於一事一物稍任

經營以伸不忘

君父之愚衷也今蒙

聖訓指示臣謹遵

旨奉行外臣唯有刻刻凜遵

訓諭自責自奮竭力黽勉尤於察吏懲奸二事悉心設

法防範嚴明以期上報

高深於萬一所有微臣奉到

訓旨恩賜感激下悃合謹繕摺恭謝

天恩謹

奏

朕之賞賚汝之進獻皆屬細事原不必諄諄在念至於君道臣節乃我二人上不負

祖考下不愧子孫天下後世公論所關所當日夜思維竭力黽勉者期共勉之

同日又

奏為奏

聞雨澤霑足插蒔普遍田苗長發情形仰祈

睿鑒事前臣路經蘇常地方歷見二麥俱已收穫場事

甫竣節次間有小雨僅資耕耨旋於五月二十四

五等日大霈甘霖

臣

隨飛差探視據報蘇松東南

一帶又常鎮各屬以及淮揚等處俱皆得雨九寸

或六七八寸不等再江寧暨上江等屬距省路近

者悉據報到得雨大槩相同至於鳳陽衛屬之團

山蘿蔔灣等屯於四月內報有蝻子生發經臣一

面具

奏一面委員撲打去後茲已據報撲滅淨盡並據該

司府查報結送在案近於六月初二日據潼安衛

呈報楊家湖湖邊野地有蝻子萌動等語經臣委

員速赴協撲旋已據報蝻生無幾文武等官集夫

撲滅同時又據鳳陽府報稱虹縣地方石家集有

宿遷縣屬之劉馬灘生有蝗蝻過界入境當即隨

時撲淨未致生翅傷禾各等情臣查潼安衛虹縣

二處蝗蝻申報之後旋據該衛縣結稱已經撲滅

均未傷禾成災是以未經

題報所有地方撲蝗淨盡緣由合謹奏

聞再江省十餘日內未見大雨茲喜於六月初八九等
日接連得雨又十二三等日連得大雨新插稻苗

悉皆滋長四野青葱萬家歡慶

臣謹據實奏

聞謹

奏

可嘉之至一切處咸能如此督率屬員殫心盡力何事

不辦朕復何庸顧慮耶但王璣趙向奎等諸事徇私玩忽負朕委任何故不行據實奏聞若逐件必待朕諭到而行詢及方奏朕耳目之所不及處貽悞良多矣倘朕一時煩怠或不肯加訓不暇諭問則汝恐不能當也

雍正七年閏七月二十七日署理江南江西總督

印務尚書臣范時繹謹

奏為欽奉

聖訓微臣感激凜慄據實奏

聞事竊臣標把總賈回

殊批奏摺欽奉

聖恩訓飭

諭問王璣趙向奎等諸事徇私玩忽深負

皇上任用臣未即早於奏

聞凜奉

恩諭之下臣不禁愧懼交集徬徨無措不啻自貽負

恩之咎查王璣前在江鎮道任內即非純正自守之員

自署事之後臣復聽其議論察其神氣但見徒有
矜張自得之色毫無敬慎圖報之心而且偏向私
人以致鑽營妄誕之輩漸皆奔逐其門復濟以趙
向奎之驕矜狂放遂爾事無可否任意縱橫前臣
於在蘇之日歷將趙向奎之粗率孟浪藐抗不謹
慎處切加勸導冀其改悔是以未經奏

聞詎知王璣與趙向奎旦暮相接交好日深自謂得計
究不能逃

皇上聖明洞鑒之中此二人者不獨於辦理虧空清查
民欠等事怠玩悠悠上負

皇上任用之恩至於辦理地方事務尤覺不從公道頻
用偏私如原任夔州府知府喬鐸侵匿夔關銀十
萬餘兩查追原籍家產一案歷經府縣審詳內有
程文蔚在縣首報收貯喬鐸寄頓箱物銀兩續又
據喬鐸之母汪氏並伊子喬於宣控告程文蔚之
子程汝趾隱匿行鹽本利銀八萬二千兩屢經質

審緣喬鐸與程文蔚係兒女親家當據喬於宣程
文蔚各供認其所欠銀兩除案內首出之銀並喬
程兩姓家產估交外餘欠之銀兩造均認各半完
帑具認詳報經臣與撫臣尹繼善嚴批着落究追
在案乃王璣於署事之後緣程文蔚是伊岳家思
翻案開脫露意屬員欲將喬鐸在川開報程汝趾
處收存本利銀十餘萬兩並金珠等物寄貯箱匣
四十個與帶銀年月經付人等鑿鑿可據

題明奉

旨查追之案任其含混以便詳解之日代為開脫且聞

此事未經一人奏聞朕覺其不妥已有旨矣爾其秉公

審理亦不可偏於一邊

程汝趾今恃王璣親情勢力現於駁審之時復生

狡賴司府等官咸知其情皆有兩難歸結之議再

欽遵聞是一好員前被叅離任時百姓如失怙恃後特

旨留任民情甚為感悅云云當加詳察百凡總以大公

係性習浮詐好為鑽營之徒而王璣與伊同鄉情

處之方合朕意

好相為援引緣王璣前在江鎮道任內有應賠窖

庫銀一千四百餘兩一事係前任知縣張文英查

出銀色低潮通詳賠補有此一隙遂將松江府知
府張文英百計搜求報復前怨於甄別知府疏內
填入病廢並議以即將欽璉題補松江知府乘機
於疏內聲說委令欽璉署理府印以冀僥倖萬一
邀

恩補授俟出疏之後方始移送會稿再如現在

題請酌調繁簡一疏內王璣因丹徒縣知縣張廷煌
係伊前任江鎮道任內相交舊好畏懼地方衝繁

衙門清淡乃以委署試用未經實授鹽城縣知縣
孫蔭孫調補欲為張廷煌轉移善地起見授意趙
向奎而趙向奎不顧章程並不論鹽城一缺張廷
煌之果能勝任與否徇情更換公然稱以已見開
擬詳請具題經臣歷歷批駁間乃王璣即據司詳
移稿會題前來臣又經叙明咨覆不便書題移回
前去詎王璣直欲行已私意竟自出疏延至七日
始寄札相懇仍送會稿臣以不得不從之勢臣

唯始終不移復將不便會題緣由咨回撫臣衙門
存案再如七月內有崇明縣城外兩處鄉間各有
殘廢貧民數人向富戶求索因被喝斥遂成嚷鬧
旋即星散一事乃鎮臣林秀小事大做傳檄恐嚇
各沙且正當其時並不在崇明親自料理反於次
日起身離汎來住蘇城候迎浙督臣李衛母樞拜
祭閒住十餘日伊之家人隨役逢人告語稱林秀
此來係一面迎弔一面避出一舉兩得之行遂致

林秀

屬汝節制何得視為膜外

此等刁風萬不可聽汝等江浙文武大小官員有能免
蘇城有總兵會縣養軍千日用軍一跑之謠藉藉
此謠之人乎但自不聞知耳切勿於此等處論人之
人口迨臣與署撫臣彭維新聞知其言各皆傳語
是非

相催方始回鎮此時王璣並不察實只圖見長與
林秀同聲附和混稱崇明民變起於

上諭勸導富戶張皇其詞復檄委道員揚言前往查緝
彈壓竟不慮海外蠻野之民激出事端直欲輕事
重報以行其欺

君冒功之念言及於此臣不禁心悸汗下似此狡詐行

為其何能上欺

君父耶以上等事俱係王璣趙向奎狗私玩劣實情茲

蒙

汝皆道盡朕復何諭究其所以總不過因私心致悞公
訓飭是臣不能規戒之於前復不能直陳之於後昏庸
耳當為向後切戒人臣事君不必計是非利害但盡此
一誠行去係妙訣良方若必經營卜度而後施為何事
矢慎遇事覺察日稟此自憾之事接踵而至且不
不至遺悞耶根本不務似此自憾之事接踵而至且不
天鑒之匪遙益切摠誠之勿懈無欺無隱上報
論將來只就已往而論指不勝屈至後日亦不過似此
仁恩於萬一所有微臣奉到

具奏一謝摺耳於汝何益於朕何益於國計民生何益
訓諭感激下悃合謹據實奏
亟當愧奮勉勵莫負朕訓汝之勤望汝之切也
聞伏乞

睿鑒謹

奏

此奏可嘉但嫌已遲候另有諭旨頒發朕諒汝等不睦
不深怪汝然於此處可見非純臣之居心即朕向諭所
謂公中之私也旨到時可秉公據實為之不可稍涉苛
刻遷就

朕加罪王璣等江南轟傳緣汝密叅所致汝曾聞否汝等身膺地方重任乃不肯廣布耳目如亳州之私鑄及現諭汝等密緝積盜等件汝於此能不汗顏乎總之不能端本存心立志處究未妥協以故諸凡不得其當非過則不及被屬員窺破非實心為國之忠誠大臣豈能與汝傾吐肝膈同休共戚此其所以耳目往往不及也試觀田文鏡鄂爾泰李衛若不能令屬員畏威懷德實力協助伊等一人之心力幾何能如此有條理耶爾與

之祿位相等兩江之任尤為尊榮諸凡不逮乃恬不介意何面皮如是過厚朕實為汝愧之若不竭力奮勉將朕諭旨視為鼓舞臣工具文仍前泛泛至噬臍不及時此手諭即為斷案莫怨朕也

同日又

奏為奏

聞事雍正七年七月內據六合縣詳報該縣境內於本月十四日戌時陡起疾風雷雨自魏詹橋地方起

葛塘集小山口梁塘舖梅官營急水溝一帶村莊
雨勢風勢甚急所過吹折樹木倒塌房屋約有三
百餘家壓斃男婦十二名口又壓傷大小男女二
十餘人等情臣於聞報之日立即捐貲委員前往
會同地方官加意賑恤並飭查勘田禾有無被損
成災茲據查報是時適值暮夜風勢又急是以吹
倒屋垣樹木致有人口被傷地方官現已賑恤次
第料理勘明田禾並未有損無庸

題報外所有六合縣地方賑恤緣由合謹據實奏

聞謹

奏

今歲直省皆有類此一事大奇可加意撫恤毋得虛應
故事致災黎有名無實不獲沾惠也今歲之災與去年
時氣約畧相同遭處雖多猶幸損傷不重

同日又

奏為欽奉

上諭事竊臣准兵部咨開欽奉

上諭恩念八旗兵丁

特給內庫銀兩令王大臣等營運生息以備兵丁一時
之用又

諭外省駐防滿洲漢軍兵丁等亦當一體加恩又

諭各省督撫提標兵丁等亦倣此例或給銀一二萬兩
或給銀數千兩交與各該督撫提督委員料理以惠
濟兵丁欽此開單咨行到臣仰見我

皇上聖慈廣被

睿慮無遺現據江省督撫提各標下兵丁萬口歡呼感

頌

皇恩各具呈請代

題謝

恩除臣謹另疏

題報外伏查臣標兵丁共一千一百七十名內據粘

單擬定

賞給銀六千兩現在遵照請領第此項銀兩奉

旨交臣委員料理惠濟兵丁臣謹詳加斟酌委員料理

恐有私侵虧缺藉官擾民等弊以臣愚昧之見查
得江南省現有入官房產等項久經奉文變價以
完

國帑者經臣屢次督催而報售寥寥可否將臣標應
領之銀酌於附近省城之入官房產不拘房地遵
照原估之價買售數處其應繳價銀即仍交司庫

以完

國帑所買房地坐落何州縣境內者即交令地方官
照依民市畫一招租造入交代冊籍著為公款所
入租銀房屋除修葺之費地畝除錢糧之外悉令
解交臣衙門核發中軍以備惠濟雖覺出息稍微
然所恃者本銀實有著落而利息又有成規似屬
便於料理易於查核臣未敢徑行合先奏

聞倘蒙

聖鑒俯允可否恭請

勅下江省將軍巡撫提督各標一體照行洵屬兩濟再
臣又念此項房屋田地各省未經完帑者尚或有
之似可一併議行庶幾一轉移間我

皇上百餘萬之

恩賞俱得均沾而數十年之虧帑漸次清理矣臣謹冒昧奏

聞伏乞

金方口口口口
卷一下
皇上睿鑒諭示遵行謹

奏

此舉甚屬妥協然祇可汝等據所見奏請辦理朕不便諭令通行入官房產他省有無各異何可勒令一體照行汝但各行其志聞之者欲相倣效則任之耳具題時疏內不必叙此奏摺

雍正七年九月十七日署理江南江西總督印務

尚書臣范時繹謹

奏為欽奉

訓旨謹將獲解鹽梟中途拒捕續經拏究梟衆各情形
據實奏

聞仰祈

睿鑒事竊臣標把總賈回

硃批奏摺內謹奉到

賜發奏摺一扣並蒙

恩旨訓飭臣於跪讀之下愧懼交集疎忽之罪撫衷難

安伏查清河縣捉獲鹽梟王祿安等奪犯傷死兵
丁一案於本年六月初十日據淮揚道具詳到臣
內稱據清河縣詳稱張志麟首出梟棍王祿安為
首夥同李桐等興販私鹽由縣境三可集謝家莊
窩頓運賣出湖據即會同汛防把總前往拏獲私
梟八人不意梟黨知風突於柳園地內擁出多梟
持械奪犯將已獲私梟八人搶去等情嗣據淮安
營叅將呈報據把總劉應鼎報稱兵丁姜必臣被

梟傷重身死等情又據理事同知夏建德拏獲梟
黨葛亮吳七孫三等訊究供出首梟王祿安等十
六人又供各犯拒捕之後俱往盱眙縣滁州沭陽
縣各地方藏匿等情據報到臣隨飛檄各地方
官查拏去後茲據城守副將張玉全報稱首犯王
祿安夥犯李桐俱已就獲經臣發司究訊又於上
下江省各地方拏獲梟犯等七十五名歷加究審
各據供出或係夥黨或係別案積梟各等情除尚

有供出未獲之犯現在嚴檄緝拏外所有臣不能
禁絕私梟及至就捕又復失於防範致有搶犯傷
兵等事種種貽悞之咎百喙難辭伏祈

聖恩將臣嚴加處分庶臣昏惰知儆戴罪之日實皆沐
恩之日矣合謹將地方私梟搶犯傷兵並隨後拏獲情
形據實奏

聞謹

奏

地方諸務如錢糧則命人來代汝查追水利命人來代汝疏濬屬官命人來代汝舉劾私鑄命人來代汝緝捕驛站命人來代汝稽察所交汝辦理者惟此弭盜懲姦二事而數起盜案尚賴朕訪確姓名交爾捕捉捫心自問誠不能評已為何等總督也其他遠省且置不論即就汝鄰近之李衛田文鏡互相比較寧不汗顏乎朕實無顏多諭汝也

雍正七年十月初五日署理江南江西總督印務

尚書臣范時繹謹

奏為自陳愚昧據實奏

聞事竊臣於本年九月十六日准署江蘇撫臣彭維新

咨送特叅江都縣知縣陸朝璣現住蘇州府長洲

縣地方先曾充當布政司衙門書役後改名冒入

浙江籍捐授縣令不自首明迴避疏稿到臣臣緣

撫臣疏稿內稱訪聞該員用刑任意又糧戶守候

給單民有怨言等語是以臣當即會

題移去詎聞該員於被叅之後地方紳士商民無不
太息不平而鄉農舖戶相率擔柴送米愛戴依依
僉稱衝繁大邑無故去此賢令閤郡徬徨等情臣
查設官原以撫民今該令陸朝璣雖在蘇城居家
作吏臣等未能早為覺察第被叅之後民情愛戴
則與撫臣前疏民有怨言之語殊不相符臣思糾
叅屬員務以情罪得實為當何敢因仍撫臣之誤
始終自飾所有叅後察出地方情形不敢諱匿合

謹據實奏

聞伏祈

皇上睿鑒施行謹

奏

察吏之道若止據紳士商民之愛戴與否而品定屬員之賢不肖則大誤矣何也夫一州一邑善惡不齊未有能令人人感戴之理縱使果能如是亦所謂鄉愿德之賊也即以陸朝璣能致鄉農擔柴送米而論亦豈有闔

郡紳士商民偕往之事大都詐偽之舉鼓惑汝無能之
總督耳似此伎倆察吏無怪乎兩江吏治不堪問也陸
朝璣之罪在冒籍不自檢舉並不為民有怨言設因怨
言即列彈章則汝督撫更難姑容矣何識陋見小至於
此極彭維新於疏內著此一語混淆其間即與汝同揆
亦係無能不識大體之流耳何足深取

雍正七年十一月初四日署理江南江西總督印

務尚書臣范時繹謹

奏為荷蒙

聖訓恩賜微臣感激恭謝

天恩事竊臣標把總賚回

硃批奏摺並奉到

賞賜內餅荔枝石榴鮮棗臣隨郊迎至署恭設香案望

闕叩頭謝

恩祇受跪讀

訓旨仰見我

皇上至聖至明無微弗照伏查王璣趙向奎負

恩徇私一案內有被劾松江府知府張文英一員蒙

諭着范時繹等將張文英居官如何及運米辦銅之處

秉公確查若王璣所叅是虛着將張文英仍留松江

府之任欽此欽遵確查去後續據布按二司會詳查

得張文英於運閩米石並未貽悞即本年上運銅

斤係委蘇松二知府協辦張文英領銀去徐永祐

領銀之期不遠自不應將張文英一人以悞公特

叅等因通報隨又詳以松江府印務委令張文英
暫署當經撫臣先行批允臣查張文英雖據司查
然尚有續奉

諭旨案內事件猶待查審題請候

似此遵旨施行之件何必又多一番巧詐作用耶本既

旨未敢遽令回任恐以臣等之臆見蹈王璣之前轍現

不端復不能勉一誠字亦可謂下愚不移者矣

在駁飭撤回另委訖所有張文英運米辦銅之處
及未回任緣由合先奏

聞又清河縣拏獲私梟王祿安搶犯傷兵一案蒙

聖恩寬宥不即治臣之罪仍復

賜以訓誨感激

高深彌增凜慄臣伏念江省鹽梟邇年以來實緣臣才

識疎淺止知事後緝拏不能預為禁絕但治其流

未窮其源之故也臣擬嗣後凡拏獲私鹽除梟犯

仍予以應得之罪外務必細加研究令其將買何

場竈一一供出即將該場縱容私鹽之大使嚴定

處分則經管者自知畏法就近者早為覺察庶幾

與李

衛商酌行之

沿海之梟衆無從聚集而地方私販之出沒漸消

矣臣愚昧之識伏乞

諭旨指示遵行再臣至愚至鈍受

皇上委用

隆恩寄茲重任愆尤日積未報涓埃清夜捫心五中愧

懼則有之愧之一字朕不敢許恐汝未必然也果如此

懼則有之愧之一字朕不敢許恐汝未必然也果如此

則具人心矣
聖訓竭力改悔盡此一誠務期於地方事務逐一詳察

悉心辦理不致悠忽貽誤以上報

隆恩於萬一所有微臣奉到

聖訓恩賜感激下悃合謹繕摺恭謝

天恩謹

奏

覽

同日又

奏為欽奉

上諭事雍正七年八月初三日接奉內閣傳

旨寄到

上諭臣謹叩首祇受訖竊查大盜趙七積年潛跡江湖

跟隨往來鹽船或行橫詐或行偷竊並復慣劫客

商從前實有其人業經臣於上年六月內密訪知

該犯係儀徵人常匿處於安慶八卦門外臣隨即

密行沿江一帶水陸文武員弁設法嚴拏臣復訪

知該犯尚有親母江氏現住儀徵縣地方當即行

令地方官立將江氏拏解到省發江寧府細加研

訊並將江氏之婿戴道弼及鄰佑人等逐一究問
俱稱該犯出去一十二年音信不通不知去向等
情臣緣該犯本身尚未就獲而江氏係大盜之母
未便輕縱除飭交地方官嚴加看守正在屢檄嚴
拏務獲間茲奉

諭旨查拏臣除密行知會隣省並密飭各屬併力緝拏

外臣於近日又訪得該犯多在湖廣地方出沒間
亦來至江西湖口地方無非隨傍鹽船停泊之所

潛蹤於流娼土棍之家現在差押素與該犯識面
之人分往蹤跡跡拏俟一就弋獲謹另行奏

聞所有遵

旨密相知會緝拏緣由合先繕摺奏

聞謹

奏

似此不行慎密遍處聲張趙七必不獲矣至遠颺無踪
時俟朕向汝等索取趙七也將此等相機密為之事委

交汝等庸愚督撫卽朕之悞夫復何辭

雍正七年十一月十三日署理江南江西總督印

務尚書臣范時繹謹

奏為荷蒙

聖訓恩賜微臣感激頂戴恭謝

天恩事雍正七年十一月初五日臣標把總賁回

硃批奏摺並奉到

賞賜哈密瓜一個臣隨郊迎至署恭設香案望

關叩頭謝

恩祇受訖又於本月十一日准吏部咨欽奉

上諭嗣後密旨寄信之事不得顯然通行文書仰讀

事有非凜慄即可怒宵痛改可以完結者汝等地方上

訓諭諄切嚴明俾臣益知緊要事件務從慎密從前疎

縱令此等大盜公行無忌不能訪詢察緝朕特書名姓

交發汝等又不慎密遵奉致令遠颺若趙七竟不就獲

愚愆尤日積荷蒙

朕即貸汝汝尚何顏忝居此任是朕欲保全汝而亦不

聖主矜全倍至

能之事也朕以誠待人從不尚權譎若錯會諭旨謂不

訓誨賞賚格外榮施

過激我等弋獲趙七耳何至如是則自誤之見也莫貽
君父之恩至於若此臣雖昏惰敢不洗心滌慮勉思效

後悔

法賢能以期事事敬慎仰報

天恩於萬一所有微臣奉到

聖訓恩賜感激下悃合謹繕摺恭謝

天恩謹

奏

覽

同日又

奏為欽奉

訓諭事欽惟

聖祖仁皇帝深仁厚德凡

巡省經臨地方無不沾

恩戴

澤是以兆民感誦歷久不忘建造

御碑龍亭以昭不朽茲江南地方有建造

聖祖仁皇帝御碑亭龍亭歷年久遠此誠地方官員所宜

時加守護敬謹修整者也今蒙

皇上恩旨命內閣寄字恭錄

上諭到臣欽遵之下不勝感愧踴躍除即分檄各屬務
令逐加親看作速詳估臣謹恭備銀一千兩先行
交貯司庫以便隨估隨修敬慎料理並移明漕河
撫鹽等臣仍誠飭地方官嗣後務須加謹守護永
永昭垂所有微臣現在料理緣由合謹奏

聞謹

奏

可笑之極可愧之極惟汝江南省如此疎慢他省皆不然也可謂良心不昧根本不忘敬慎從事之大臣歟

同日又

奏為奏

聞事竊臣接准浙江督臣李衛咨為密拏謀為不軌奸

徒事內稱沿海等處竟敢有不法之輩自稱俠士

豪傑平日精通拳棒熬煉壯藥因而聚徒行教煽

惑愚民凡無藉亡命聞風而至遂為夥黨並有假稱貿易借端出洋交通聲氣潛匿隱僻之所窺伺釁端陰謀不軌各郡俱有首惡數人暗中通線若不除此巨害則將來羽黨滋蔓無窮今差員給與牌檄分頭跟緝密拏除按照住址分行江蘇司道府營併咨鎮海將軍江南提督外相應列單咨會就近飭令密拏解審等因_臣即將應緝人犯照單飭司並諭城守營協同慎密躡拏不使知風免脫

去後今據報稱單開之張雲如周崑來賀任宏甘
鳳池俱經就獲此外應拏人犯現據浙省咨稱借
端出洋謀為不軌則事關機密臣唯密行設法協
力捕緝務獲照咨移解臣復一面另加訪察倘涉
該犯等夥黨立即拏究再行奏

聞外所有准到浙省咨拏人犯緣由合先奏

聞謹

奏

凡李衛移咨緝捕之人若似辦理趙七之案苟且塞責
疎漏一名則汝增一分罪咎當慎為之非實力擔任設
法鼓舞屬員捕役不能奏效必貽後悔也

雍正七年十二月初八日署理江南江西總督印

務尚書臣范時繹謹

奏為恭報萬民感戴瑞雪均霑仰祈

睿鑒事竊照江省今歲秋成豐收普遍又蒙

皇上下沛恩施蠲免安徽等屬庚戌年地丁銀至四十

萬兩更於清查民欠事宜

俯念承辦各員不知仰體肅清吏治之

聖心奉行不善特頒

諭旨令將查出在民未完之積欠概行停徵

異數殊恩淪肌浹髓在在歡聲遍野共祝

實為汝等庸才愧之何顏具此奏也

昇平臣又查江省地方自入冬以來天時和順雨雪

及時通屬僉報節次得雪溥徧均霑米價亦俱照常並未加長遠近編氓靡不頌揚

聖德呈請奏謝

皇仁所有江省臣民感戴

天恩以及雨雪霑足情形合謹繕摺奏

聞謹

奏

自應如是皆緣汝等大臣承宣德化克盡厥職之所致
殊可謂無恥之極矣

同日又

奏為調撥文武署汎以重職守以固疆圉仰祈

睿鑒事竊臣查得巡道之設原因地方遼濶大員之耳

目難周是以分駐一方資其坐鎮至如糧道衙門
則有錢糧倉庫之責歷考各省多係附在省會取
就近彙綜而承上接下出納查核均為便捷今則
蘇松巡道衙署在於蘇城糧道衙署在於常熟均
未妥協臣愚昧之見請將糧道移駐蘇城便於兌
漕督運而巡道一官於地方殊關緊要既有分巡

之職司即當責以坐鎮之實效查上海地方為江
省通洋之口岸其中私梟聚集奸艘潛停即有州
縣分任緝拏亦須大員之就近董率臣請將巡道
衙署移駐上海裨益尤多再臣又查福山一營汎
臨江口與北岸之任家港對峙所轄地方乃江流
入海之咽喉海潮入江之門戶是為江防扼要處
所豈宜巡駕無資臣請將蘇鎮四營之內每營各
撥沙船一隻其所有配用兵丁舵水並令隨船歸

於福山營不必另行召募以資熟手駕駛責令原

派管轄江面弁員督率遊巡庶幾江防之保障日

嚴即海洋之封疆永固矣汝尚自信不及朕更何昏惰無知庸愚寡效

從見信以定是否如何批諭以上移駐道員撥設水汛祇為地方起見事關江

海重防未敢冒昧具

題合先繕摺奏

聞伏祈

皇上恩賜指示遵行謹

奏

朕實未達又信汝不及汝可請教李衛尹繼善後再行
具奏以聞

雍正八年正月十五日署理江南江西總督印務

尚書臣范時繹謹

奏為荷蒙

聖訓微臣感激凜慄據實陳情恭謝

天恩事竊臣賫摺人回署奉到

殊批臣於跪讀之下俯伏汗流愧懼交集徬徨無地不

朕觀不似

勝自恨自責從此滌慮洗心痛悔前非唯恨臣之

迂拘

二字非汝目不識丁之人所可大言者

辦事實屬孟浪迂拘于當日訪知之時不能將大

汝遍

行文書傳播風聲致令驚逸遠遁而以拘訊賊母

為辭

盜趙七設法查捕遽將其母拘訊以致該犯驚逸

何昏愚悖謬至於此極總之趙七不獲任汝推卸

他省范時繹之禍不可解

旨緝拏遲久無獲是皆臣不善設法捕緝之罪茲奉

訓諭愧悔無及伏查趙七一犯臣據從前之訪聞與近

日之根究聞該犯被拏情急相約同夥鐵膀子李

三逃入山中商量娶妻安家以圖遮掩等語臣因
汝雖據為確切以朕觀之總皆愚汝之言趙七不獲何
慮朕自來差回稟揆其情形似屬確切現經專差密緝一
經弋獲臣即另行奏

聞又臣前經具

奏浙江督臣李衛查拏謀為不軌一案蒙

皇上訓旨指示臣敢不留心慎重鼓勵屬員捕役實心
辦理臣查此案匪犯歷准浙江督臣李衛在於江
寧蘇州松江常州以及上江江西並江寧將軍衙

門又鎮江將軍衙門各分行查拏者前後共一百

五十八名今歷據各屬報稱已獲者一百二十七
宜有以無知幼童咨移查拏之理此皆汝等奉行不善
名除臬司訊明無干與殘老幼童分別保釋外業
有意將無辜之人牽入而令衆怨加於實心任事之大
經解浙者九十一名仍有姓名重複與事前出外
臣之意耳似此鬼魅伎倆欲來惑朕適所以自陷也
及地方本無其人未經就獲者共三十一名臣現

在密飭屬員設法晒拏務期全獲再浙省差來江
寧地方拏犯之員一係漕標革職遊擊馬空北一
係千總韓景琦每自稱為浙督妾之義兄二人皆

係回教彼此結好並帶來原首人即張雲如之舊
識于建詎於各處搜查人犯與前後稟報浙省之
處竟多假借威福其訊無確據及報怨挾私等情
僉於臬司訊供之下歷歷吐露乃臬司可發一大笑
意周旋不將訊出供詞敘入報文唯一面寫稟通

知一面解犯赴浙當此之時地方人言皆以拏無

前諭甚明

更可笑者

實據訊無分晰良善自危後經督臣李衛聞知發
來告示安慰又差拏馬空北於常州地方管押去

後茲臣又准督臣李衛咨會內據原出首之于璉等回杭稟供嚴責臬司馬世炘於搜張雲如之時未與來差千總陸彪同者其字跡多有抽換又稱各犯輾轉讐扳先後互異殊屬舛錯又馬空北通同狗隱將胡愷公不行拘拏又副將張玉金先令宋千總與寓所和尚說知以致伊子逃回散銀冊籍先為藏匿等語據其回供除飭行臬司副將並移會到臣隨嚴飭按察使馬世炘副將張玉金

據實詳覆並咨覆浙江督臣衙門作速就犯研究
三面質對如得該臬司及副將抽換通風確情立
即題叅以伸

國法以嚴重案第現今事屬兩持各存瞻顧必難平
允可否仰懇

皇上聖恩將江蘇按察使馬世烜江寧副將張玉金解
任發浙與原任遊擊馬空北千總陸彪並原首人
于璉等質審或

已聞遣官具此奏耶未聞而具此奏耶觀汝小人作用
特遣廷臣來南秉公確審如果係不軌之徒自然奸情
福有限矣

莫遁而地方官之徇私欺誑並可昭然敗露則是
我

皇上彰明
自有日也

國法肅清吏治之

聖心也臣緣重案所關不敢諱匿所有先後獲犯並駁
詰情形合謹繕摺奏


聞謹

奏

覽



硃批諭旨卷一下



總校官庶吉士臣侍朝

校對官編修臣馬啟泰

謄錄監生臣高鎮